

# جَزَائِدُ مَحَاكِمِ

جمعه ايرتسى

نومرو ۳۵۰ شعبان ۱۸ سنه ۱۳۰۳ مابس ۱۰ سنه ۱۳۰۲ صحيفه ۳۵۱۹

- اشـبو غزته بهر هفته جمعه ايرتسى كونلرى چيقار سنه لكى در سعادت ايچون مجيديه
  - يكرمى غروش حسابيله التمش غروشدر طشره لر ايچون اون بش غروش پوسته اجرتى ضم اولنور بهر
  - نسخه سى بنه مجيديه يكرمى غروش اولمق اوزره يوز پاره به هر يرده صاتيپلور درج اولنه جق اعلانك
  - هر برندن بر مجيديه اخذ اولنور سنه لكنه مشترى اولمق استيانلر عدليه نظارتى دائره سنده كاشن
- جریده محاکم اداره سنه مراجعت اطلبيدر

واشعار بيورلمش ايسه ده بقايای مذكوره دنوز  
ورود ايتامش و بو ايسه جریده محاکم اداره سنى  
سكته دار وعادتا جریده نك مصارف طبعيه سنى  
تدارك ايده ميه جك برحاله دوچار ايتلشدر  
مستغنى تكرر اولديغى اوزره جریده محاکم  
نشرندن مراد محاکم و مأمور بن عدليه نك ترقياتنه  
خدمتدن عبارت و بنا بر بن جریده نك دوام نشرينه  
غيرت ينه مأمور بن عدليه به عائد معتنا بر كيفيت  
و جریده محاکم تأمين طبع و نشرى بدلاتك  
وقت و زمانيله ارسالنه منوط ايدوكى آزاده تعريف  
واشارت اولديغنه و عدليه مفتشلكر نك اغرى  
جهتله بدلات مذكوره نك تحصيل و تسبيلى وظيفه سى  
مدعى عموميله توديع و حواله قلند يغنه مبنى ذكر  
اولنسان تحريرات عليه نظارت پناهى به توفيقاً  
جریده محاکم بقايای يله سال حال بدلاتك

( توجيها ت عدليه )

محكمة استيناف اعضالى مجلس تدقيقات شرعية  
اعضای سابقه سندن فضيلتلو شاهين افندى به  
توجيه بيورلمشدر

جریده محاکم بدلاتى بقايای نك سرعت تحصيل  
و تسبيلى عدليه نظارت جايلاه سندن تسطير بيوريلان  
فى ۲۳ شعبان سنه ۱۳۰۳ و فى ۲۱ مابس  
سنه ۱۳۰۲ تاريخلى تحريرات عليه ده امر

سرعت کامله ایله استیفا واسرا سنه بدل نقدینه  
مقدرتله جریده اداره سنک سسکتهدن وقایه سنه  
غیرت اولسنی مدعی عومیلرک همماتدن بکلیز

### قسم غیر رسمی

( دعوته اجابت ایتمیان شاهدلر حقننده اجرایی )  
( لازم کلان معامله به دارمطالعه نامه در )

دعوته اجابت ایتمیان شاهددن درت مجیدی به  
التوننی تجاوز ایتماک اوزره جزای نقدی اخذیله  
لاجل الاستشهاد جبراً احضاری وعند الايجاب  
حبسی اصول محاکمات جزاییه قانون موقتک یمش  
بشجی ماده سهیله مواد متعاقبه سننده و محاکم  
ومجالسه رسماً اولنان دعوته بلاعذر مقبول کلکدن  
استسکاف ایدنلردن بر بیاض مجیدیه دن  
بش اتون مجیدیه به قدر جزای نقدی اخذی  
وبواسنکسکاف تکرر ایتدکجه جزانک دخی تضعیفی  
جزا قانوننامه همابوننک یوز اون التنجی ماده سننده  
تصریح و جلب مذکره سننک ظهرنده مرقم عباره  
قانونیه دهده جزای نقدی مذکوری دعوته اجابت  
ایتمیان شاهده تخصیص ایله مظنون علیه تقریق  
قلمشدر

شاید بو ۱۱۶ انجی ماده مدعو اولان مظنون علیه  
و یمش بشجی ماده دخی شاهده مخصوص و یاخود  
مذکور یوز اون التنجی ماده مفسوخ اولدیغنه  
ذهاب اولنسه ماده مذکورنک نه عباره سننده  
براستناونه ده کلاً و یا قسماً مفسوخ اولدیغنه دارده  
قوانینده بر ایما اولدیغی حالده مفسوخ حکمنده  
قالدیغی کورلمکده در

مذکور جلب مذکره سننک ظهرنده کی عباره  
قانونیه ده تفریق ایدیلان مظنون علیه جنجه  
و یا جنایت فعلندن بر یله مظنون اولوب دعوته  
عدم اطاعت تهمتیله ده متهم اولدوقده اجتماع ایدن  
ایکی جرمنک قانون موقت مذکورک ایکویز طقسان  
طقوزنجی ماده سی موجبجه اک اغرنه لازم  
کلان جزانک تحدیدی قواعد عومیه سننه داخل  
اولدیغنه جل اولنسه جلب مذکره سننک اسطاری  
بتون جریمه منحصراً اولیوب چوق کره مظنون  
اولق اوزره جلب اولنان آدمک عندالاستسطاق  
کنندوسنه اسناد اولنان فعلده برکونه  
مدخل و ایلدیشکی اکلاشلیه رق منع محاکمه سننه  
قرار و یریلور

بو حالده او مقصود حاصل اوله من یعنی اسناد  
اولنان فعل ثابت اولمکه دعوته عدم اطاعت  
جرمی ده جزایه داخل حکم اولنسون  
هله جلب مذکره سننه مطاوعت ایتدیکی ایچون  
احضار اولنان شخصک در دست صروده تنظیمی  
ایجاب ایدن ضبط ورقه لرنده کوسه تریلان  
مطاوعت وعدم مطاوعت کیفیتلری کلام زائد

اولیوب بو مثل اولرک درجه مطاوعت و تدرلرینه  
کوره بر جزایه مستحق اوله جغنی ایما ایدر  
ایشته مظنون علیه اسناد اولنان فعل ایچون  
شاهد کوسه تریله رک جلب مذکره سننه عدم  
مطاوعتدن ناشی احضار ایدلدکده عدم معلوماتنی  
بیان ایدن بر آدم مجرد جلب مذکره سننه اطاعتسز  
لکندن طولایی مجازات کوردیکی حالده اصل  
بو فعلده مظنون علیه اولوب تدرینه بناء مؤخرآ  
قوه جبرییه ایله در دست اولندوقده فقدان دلالتیه مبنی  
منع محاکمه سننه قرار و یریلان شخص متمرک  
مذکور یوز اون التنجی ماده موجبجه مجازات  
نقدیه و یاخود اطاعتسزلیکنک درجه سننه  
کوره مجازات حبسییه ایله جزالندیرلسی ایجاب  
ایتزمیدر

دها ذهنلری تخدیش ایده جک جهتیده شوراسیدرکه  
دعوته اجابت ایتیب فرارده بولنان شخصک کرک  
مستطقیه و کرک هیئت اتهامیه جه بعض کره مجرد  
فراریتی مدار ثبوت تهمت عد ایله بالاتهام  
اخذ و گرفت امری و یریلوب بعد الخری در دست  
اولنه مدیغندن مقام ریاستدن دخی اون کون مهلتی  
حاوی یاز یلان اخطار نامه ده متهم مدت معینه  
ظرفنده کلدیکی حالده کندوسنه قانونه اطاعت  
ایتماش نظریله باقیله رق حقوق مدینه دن اسقاط  
قاله جغنی و محاکمه غیابیه سی ائشاده اموالی جز  
ایدیه جکی و علیه ده دعوایه قیام اوله جغنی  
و کندوسنک بولندیغنی محلی خبر و یرمکه هر کس  
مجبور بولندیغنی یولو بعض استقبال کله لر یله تهدید

ایدیلوب ینه در دست ایدیه مدیکندن غیابی  
و یاخود در دست اولنه رق و جاهی اجرا اولنان  
محاکمه ده اسناد اولنان فعلک ارتکابه دار بر اهین  
وقرائنه اقتران ایدیه مدیکنه و مجرد فرار یت ایسه  
محاکمه مدار ثبوت تهمت اوله میه جغنه بناء  
برائت ذنبی طرفنه کیدلک ایجاب ایدلکده اگر چه  
محاکمه غیابیه مصارفنک کندوسندن اخذی حکم  
قانون اقتضاسندن ایسه ده بوشخص نامطیع و متمرده  
قانونه اطاعتسزک تهمتندن طولایی بشقه بر جزا  
ترتیبی لازم دکلیدر

شویله که اصول محاکمات جزاییه قانون موقتک  
حکم غیابی فصلنده مندرج مواد نظر تدقیقندن  
یکورلدکده متهم غائب کندوسنی حکومه تسلیم  
ایدر و یاخود حقننده ترتب ایدن جزا مرور زمانله  
ساقط اولزدن اول در دست اولنور ایسه  
بعض شاهدلرک حضور محکمه ده استماعی ممکن  
اوله مدیغنی حالده اوراق دعوی میاننده کرک بونلرک  
موجود اولان شهادت تحریر به لر یله متهم  
مشترک لرک اجوبه تحریر به لر ی و کرک رئیس  
طرفندن حقیقت حالی اظهاره مدار عد اولنه جق  
سائر اوراق حضور محکمه ده قرائتله اکتفا  
اولنه جغنی مرقدر

بو تفصیلات محاکمه غیابیه ائشاسنده شهادت ایدوب

جریده لرینک بعضیلرندن شهودك بینات  
تحریریه لرینه مراجعتله اکتفاخصوصی غیابیدن  
وجاهی ید تحول ایدن محاکمه یه حصر ایدلدیکی  
استنباط اولتمقددر

بوراسی معلومدرکه محکمه فصل ورؤیت ایده جکی  
بردعوادن طولای اعطاسی ایجاب ایدن حکم  
قطعی ی یا استماع ایده جکی رشهادته ویاخودمیدانه  
قونلش اولان قرینه و اماره نك حکم وقوت و اساس  
دعوی ایله درجه مبانیت و ملاستنی بالتدقیق  
حاصل اوله جق نتیجه بنا ایدر بو حالده حکامدن  
معدود اولان بر مستنطق حضورنده واصولی  
دائرة سنده تقریرلری ضبط اولنوب اثنای محاکمه ده  
جلبلری لعله ممکن اولمیان شهودك مضبوط  
تقریرلرینک اهمیت ودرجه قوتی تحت نظر مطالعه یه  
النیهرق یا طول مدت احضارینه انتظار ویاخود  
دلیل و برهانه افتزان ایدلمیان عادی بر ماده کبی  
متهمک برائت ذمته اعطای قرار ایله تخلیه سی  
بولنه کتمک برچوق حقوقك اضاعه سنی بادی  
اوله جغی ملاحظه سنه مبنی بومساعك تخصیصی  
ایجاب ایتوب حکمی عمومی اولهرق تسلمیم  
اولمیدر

بونلرک بینات تحریریه لرینه مراجعتله مجبوریت  
ویرن علت امکانسزاق ایسه بوعلت باقی  
اولدقجه حکمک بلا تخصیص جاری اولمسیده  
لازمدر

چونکه علتی واحد اولان بر ماده ده اسباب  
موجب اولمسنین ایکی درلو حکم جای نظر

محاکمه غیابیه نك محاکمه وجاهیه یه انقلابنده  
جلبلری ممکن اولمیان وهیئت محکمه حضورنده  
شهادتلری مضبوط اولان شهودك بینات  
تحریریه لرینه خصوصی اولهرق مراجعت مساعنی  
کوستردیکی کبی عباره قانونیه مذکورده شهادرک  
اولکی محاکمه ده استماع اولدیغنی ایما ایدر تکرار  
کبی برکله مرقم اولدیغندن مجرد محاکمه نك تأخردن  
وقایه سی ضمیمه عموماً جلبلری ممکن اولمیان شهودك  
بینات تحریریه لرینه اکتفا اولمسنی ده ایما وافهام  
ایتز دکلدز

بومساع شهادرک مقدا برحاکم حضورنده  
استماع اولندقرلی ملاحظه سنه بناء بالکز اولکی  
جهته حصر اولنسه بوراسی محاکمه نظامیه ده  
دخی محاکمه شرعیه مثلودستور العمل اولق ایجاب  
ایدن کتاب بینانده مرقم شهادتک تعریفه وهیئت  
محکمه نك تبدلی احتمالنه مبنی برحاکک استماع  
ایدیکی شهادرک شهادتیه دیگر برحاکک حکم  
ایلمی اصولنه مغایر و منافیدر

میعاد نظامیسنده در دست اولنان متهم محکوم  
حقننده غیاباً ویریلان حکم منفسخ اولهرق  
دعواسنک قاعده معتاده اوزره مجدداً لزوم  
ورؤیتی حکم قانون اقتضاسندن اولدیغنه نظراً  
حکم غیابینک موقت وترهیبی بر حکم اولدیغنی  
جهتله احضارلری ممکن اولمیان شهودك استماعنی  
محاکمه وجاهیه ده امکانک مساعده سنه تعلیقاً محاکمه  
غیابیه ده بینات تحریریه لرینه اکتفا ده انساب  
واولی اولدیغنی وارد خاطر ایسه ده محاکم

امعاندز هله فرارده بولنان متهملرک خوف  
مضرتلری چوق کره شهودك محکمه یه کلوب ادای  
شهادت ایللرینه مانع اولدیغیسه بحر بدر  
ایشته جلبلری ممکن اولمیان شهودك طول مدت  
احضارلرینه انتظاراً محاکمه نك تأخردن ایسه  
بوکبی امکانسزاقک تحقیق حالنده مضبوط  
تقریرلرینک متهم حضورنده قرائتیه اولنه جق  
اعتراض اوزرینه ایجاب ایدن سؤال  
وجوابدن صکره حاصل اولان دلائل وقرائتک  
درجه قوت و تأثیرینه کوره ماده یه بر نتیجه  
ویرلمی الزم اولدیغنی وارد خاطر در  
الحاصل اشبو تردد و اشتباهک حللی فنون محاکمات  
قانونیه ایله مشتهر اولان ذوات کرامک تمیز خامه  
مروترینه محولدر

سعد سنجانی بدایت جزا  
محکمه سی رئیس  
بکر صدقی

ایوالق قضاسی بدایت محکمه سی رئیس سابق علی  
اشرف افندی حقننده اجرا قلنان محاکمه نك صورت  
جر یانی ناطق ضبطنامه سندن مابعد

برده دهها اقوا اولان بر اعلامی تأییداً بویله  
بر تنبیه نامه اعطاسی هم لزومسز و همده اصولسزدر  
بوراسیده تنبیه نامه سوزینی ثم التدارک برتأویل  
صورتده کوسترکده در شوچله ایله برابر علی  
اشرف افندی علیه نده کی دعوی و محاکمه واقعه  
معاملات نظامیه ده دائر اولوب نیابت شرعیه یه

تأداحوالدن طولای اولدیغندن ایوالق رسومات  
مدیر یله اعشار مأمورینک جوا بنامه لرینه نظراً  
مندرجائی غیر محقق کور یلان اعلام شرعینک ارتق  
تدقیقات سائره سنه لزوم و حاجت بو قدر

دعواکک جنحه نوعنه کلنجه بوده ایکی به انقسام  
ایتمکده در قسیمندن بر یسی مستنطق قرارنامه سنک  
بلامساع قانونی شق و تلف اولنسی او بریده  
مقاوالات محرری و مستنطق معاونی افندیلره  
قبل الاستیذان رخصت ویرلمسیدر شو ایکی  
ماده اوزرینه اقرار و اعترافله برابر مقام مدافعه ده  
سرد ایدیلان اسباب فنالق ظهوری ملاحظه  
سیله تأهل قضیه سندن عبارتدر واقعاتأهل بر امر  
مشروع اولوب بناء علیه استحصال رخصته  
وسیله عدا ایدیه یلور ایسه ده قبل الاستیذان  
مأذونیت اعطاسنه سبب کافی اوله من چونکه  
بونده تلافیسی غیر قابل بر ضرر و خسته لق احتیاج  
عاجلی کبی بر ضرورت بو قدر فنالق ظهوری  
ملاحظه سی دخی کندولرینه کوره اسباب مقبوله  
مبرمه دن دکلدز زیرا وقوعی ملحوظ اولان فنالقک  
تدابیر مقتضیه یه مراجعتله قبل الوقوع اوکنی المی  
و برشیده کور یلان محذور سیاسی به کوره حرکت  
ایلمک ضابطه ملکیه یه تأدیر و وظیفه در افندی  
ایسه اورانک محکمه رئیس اولوب نه ضابطه  
ملکیه دن ونده ضابطه عدلیه دن ایدی حاصلی  
جمله مدافعه لرلی واهی بولندیغندن مجرمیت  
قراری طلب و ادعاسنی تکرار ایدرم دیدی  
رئیس افندی - علی اشرف افندی ایله وکیلنه

خطاباً صوتك دفعه اولی اوزره برمدافعه كز وارمیدر  
 علی اشرف افندی - مدافعه می عرض ایدم  
 بشقه دیه حکم یوقدرانی تکرار ایدم  
 اوخانس افندی - معاون بك افندی شاهدك  
 مدخلی موكلك برائتی مستلزم ازله من بیوریورلر  
 حالبوکه اولجدهده عرض اولندیغی اوزره اعلام  
 نظامی دنیلان ورقه ایچون مؤکلم علیهنده یالکز  
 برخبر واردرکه اوده کندی فعلنه شهادت اولغله  
 برابر نفسنه توجه ایده جک سؤالدن خلاص  
 مقصدیله اختیار اولندیغندن معتبر دکدر ارتق  
 بشقه دلیل و امارهده یوقدر بناء علیه مدافعاتری  
 تکرارله برائت قرارینی نیاز ایدم  
 رئیس افندی - محاکمه نك ختام بولدیغنی افهام  
 ایدم . هیئت محکمه مذاکره او طه سنه چکلدی  
 طرفینک ادعا ومدافعاتی وقرائت اولنان افاده  
 مضبوطه اوراقی اوزرینه ایجاب کیفیت لدی  
 التذکر تفصیلاتی بالای ضبطنامهده بیان اولندیغی  
 اوزره متهم علی اشرف افندی ابوالق قائم مقامی  
 امین بکک جاربه سی دنیلان بزم حالک حریتی  
 حقنده دعوی ومحاکمه سبقت ایتماش ایکن بدینه  
 فی ۱۷ تموز سنه ۳۰۰ تاریخی برقطعه اعلام  
 نظامینک اعطاسیله و متن اعلام مذکورده میر  
 مومی الیه تفهیم اولندی خاتمه سندهده متفقاً قرار  
 و برلدی عباره سنك درج و املاسیله کیفیت غیر  
 صحیحی صحیح یرینه قوی مسندن و بوندن بشقه  
 اوامر علیه نظارتیناهی حکمنه مخالف اوله رق

مستنطق معاونك از میره ومقاولات محرری افندیك  
 درس عادتیه عزیمت یرینه بلا استیذان رخصت  
 و بر مسندن و برده مخبر ابوالقلی نيقولاکی صالحه  
 و نيقولاکی بابوجا کیدن جزای نقدی استحصانه  
 دائر مستنطق طرفندن و یریلان قرارنامه بی دخی  
 بلا سبب قانونی برتوب تلف ایتمسندن طولانی هیئت  
 مخصوصه سنجه اتهام اولنوب لزوم محاکمه سنه  
 قرار و یرلش و مرتکب اولدیغی احوال ممنوعه  
 مسروده ابتدا کندوسنك اقراری وثائياً مخبر  
 ایقونومیدی افندیك اخباری ثالثاً محکمه یه ابراز  
 واعطا قلنان بیانات تحریریه دلالتیه درجه تحفته  
 کلدیکی و بوده ایکی قسمه منقسم بولنه رق بریسی  
 جنسایت دیکریده جنحه اولدیغی بیانیله معاون  
 میر مومی الیه طرفندن اول مرده جنسایت فعلندن  
 طولانی مجرمیتنه قرار و یرلسی طلب و ادعا  
 ایدلشدر  
 بوکاقارشو نائب مومی الیه جاریه مزبوره نك  
 عتقنه دائر مخبر یورغاک ایقونومیدی افندی به  
 اعلام نظامی تنظیمی حقنده برشی سونیلوب یالکز  
 شرعی نسیهنامه یازلسنه امر و یردیکنی و مخبر  
 مومی الیهک صوتك شرعی به عدم وقوفندن ناشی  
 اعلام نظامی قلقلو برشی یازهرق مشغولیتی  
 ارسنده کندوسندن اولان امنیتی جهتیله تدقیق  
 ایتمکسزین امضا و تختم ایلش اولدیغنی و مستنطق  
 طرفندن و یریلان جزای نقدی قرارنامه سنك  
 یرتلسی جهتنه کنبجه بوکادخی مختار انتخابی  
 صره سنده نيقولاکی بابوجاکی و نيقولاکی صالحه  
 انتخاب ورقه سنی برتمش دیتلرک مظنون علیه

بولندقلری حالده مستنطق طرفندن هرایکس سنك  
 مخبر عدیله ایکیشمیر ایرا جزای نقدی حکم ایدلش  
 و بوده یولسزدر دیو برطاقم کیسه لر کلوب  
 کندویه سوئلش اولدیغندن و ابوالغک ایسه  
 احوال محلیه سنه نظراً بر فبالغک ظهوری اقوای  
 ملحوظه دن بولندیغندن و بوقورقودن ضابطیه  
 ضابطنی جلبله بوکی فبالغک اوکی التقی ایچون  
 تلبیهات لازمه اجرا ایلیه رک او بله برشی یاپمش کی  
 خاطر یرینه وارد اولیور ایسه ده تفصیلاتنی شمعی  
 در خاطر ایده مدیکنی و اذن و یردیکی حقنده کی  
 قضیه یه کنبجه مستنطق معاونی الیه مقاولات  
 محرری تأهل ایتمک اوزره رخصت اعطاسنی  
 مصرأ طلبله یرلر یرینه دخی عزت افندی بی وکیل  
 کوسرتورک برهفته یه قدر کلک اوزره طرفندن  
 مساعده استحصال ایلدکلر بی سوئلش و جار یه  
 حقنده کی معامله شرعیف احکامنه تابع بولنوب  
 اکادائر اولان اعلام شرعی و نسیهنامه نك  
 تدقیقاتی مجلس تدقیقات شرعییه عائد اوله رق  
 خصوصیه بونک برسوء مقصده دخی مقرون  
 اولدیغنی در میان ایلش و وکیل اوخانس افندی  
 دخی ضبطنامه ده محرر اولدیغی اوزره موکلنك  
 افاده ومدافعاتنی تأیید ایدر یولو مدافعه ده  
 بولنه رق موکلی حقنده عزو و اسناد اولنان  
 فعللردن تبریه ذمتنی ایستمشدر  
 محکمه جه اجرا قلنان تحقیقات و تدقیقات  
 نتیجه سنه نظراً ساخته کارلق فعلی قانون نظرده  
 بر شخص مدعیك اضرار یله عن قصد کیفیت غیر

صحیحی صحیح یرینه قویمقدن عبارت بولنوب  
 امین بک جار یه سی بزم حال ایسه قانون اساسینك  
 طقوزنجی و اون برنجی ماده لر ی ایجابنجه دعوای  
 حریتده مخناره اولوب بو باده جریان ایدن  
 معاملات نیابت شرعییه عائد احوال جلبله سنندن  
 کورلمکدن ناشی بونک یولسزلیغی دخی مرجع  
 مخصوصنجه تحقق ایتماش بولمسبیله علی اشرف  
 افندی حقنده اولیله بر فبالغک وجوده کتورلدیکی  
 اکلاشیله مدیقنه و شاهد یورغاک ایقونومیدی  
 افندیك شهادتی ایسه کندی فعلنه شهادت  
 دیمک اولوب بناء علیه شایان قبول اولمیه رق  
 بونک حقنده مظنون علیهک مدافعه سی بولنده  
 کورلدیکنه و معاون میر مومی الیهک نوع جنایتیه  
 دائر اول و آخر وقوعبولان مطالعه و مطالبه سی  
 غیر وارد بولنه رق وکیل مدافع اوخانس افندیك  
 مدافعه واقعه سیده موافق نفس الامر و بجا  
 ایدوکنه بناء متهم علی اشرف افندیك ساخته کاراق  
 فعلندن طولانی مجازاتی داعی ومدار حکم اولور  
 اسباب ثبوتیه به دسترس اولنه مدیغندن بوجهت  
 حقنده برائتنه و دیکر جنحه فعلندن طولانیده بوجه  
 مشروح مدافعه ده بولنور ایسه ده مستنطق طرفندن  
 تنظیم اولنان قرارنامه بی بلا سبب برتمش و مستنطق  
 معاونیه مقاولات محرری حقندنه نظارت جلبله  
 عدلیه دن رخصت استحصال ایتمکسزین کندو  
 طرفندن بر هفته مدته رخصت و یرمش اولدیغی  
 اقرار یله درجه تحفته کلدیکنندن و بنا برین  
 کندوسیه رکیلی طرفندن بو باده سرد ایدیلان  
 مدافعه مصیب و موافق نفس الامر اولدیغندن

( محکمه تمیز جزا دآره سی )

تشکیل محاکم قانونی اقتضای سنج بر محکمه ک مرکب بولنسی ایجاب این عدد اعضا نندن نقصان اوله رق اجتماع ایدوب اعطای حکمه مبادرت ایدر ایسه بو بولده واقع اولان حکم قانوناً باطل عد اولنور

( خلاصه اعلام )

محکمه جنایتک فی ۱۳ ربیع الاول سنه ۱۲۹۹ وفی ۲۶ کانون ثانی سنه ۲۹۷ تاریخلی و یوز یکریمی نومرولی اعلامیه اوراق متفرعه سی باش مدعی عمومیلک مأموریت علیه سندن فی ۸ ذی الحجه سنه ۱۳۰۳ وفی ۵ ایلول سنه ۳۰۱ تاریخلی و بیک یدی نومرولی تبلیغنامه ایله محکمه تمیز جزا دآره سنه اعطا اولغله و اعلام مذکورک خلاصه مالی طقسان یدی سنه سی جز براتنک بشجی جعه کجه سی اسکدارده بلبل دره سنه قان والده سی حنیفه بی بیچاقله قتل ایتمسندن طولایی مظون علیه اولوب مستنطق قرارنامه سی موجبجه جنایتله اتهام اولنان بولی به تابع کوکجه صوقضاسنه مضاف بابا حضر قریه لی یکریمی اوچ یاشنده اشجی حسین بن عارفک قتل مذکوره من غیر تعمد جرأتی عند الاستنطاق سبق ایدوب اجرا قلنان محاکمه علیه ده تاویل ایلدیکی اقراری و اخبارات ایله نابت اولدیغندن مجرمینه و قانون جزانک یوز یتش

( محکمه تمیز جزا دآره سی )

هیئت اتهامیده بولنان اعضا اتهام ایتدکری شخصک محاکمه سنده رأی و پررل ایسه محکمه ک حکمی کآن لم یکن حکمنده عد اولنور


( خلاصه اعلام )

صنعا سنجاغنه تابع خراز قضاسی اهالی سندن یحیی بن احمدک قتلندن طولایی جنایتله اتهام اولنان صالح بن علی سعید نام شخصک قانون جزانک یوز یتش دردنجی ماده سنه توفیقاً اون بش سنه مدته کورکه قونلسنه حکم اولدیغنه دآر یمن ولایتی استیناف محکمه سی جزا دآره سندن و یریلان فی ۵ رجب سنه ۳۰۰ وفی ۳۰ نیسان سنه ۹۹ تاریخلی والی نومرولی اعلام ایله اوراق متفرعه سی باش مدعی عمومیلک مأموریت علیه سندن فی ۳ شعبان سنه ۳۰۱ وفی ۱۷ مایس سنه ۳۰۰ تاریخلی و بش یوز سکسان ایکی نومرولی تبلیغنامه ایله محکمه تمیز جزا دآره سنه اعطا قلنش اولغله لدی المطالعده مذکور تبلیغنامه ده بیان اولدیغنی اوزره اصول محاکمات جزایه قانون موقنتک ایکویزنجی ماده سی موجبجه لوا بدایت محکمه سی اعضا سندن اوچ ذات بانفریق تشکیل اولنان هیئت اتهامیه طرفندن مظنون علیه مرقوم اتهام اولتیوت بش کشیدن مرکب اولان استیناف محکمه سی هیئت طرفندن اتهام اولنش و ماده مذکوره حکمنجه هیئت اتهامیده بولنان اعضا اتهام ایتدکری شخصک محاکمه سنده رأی و پررل ایسه محکمه ک حکمی

دردنجی ماده سنه توفیقاً و ابتدای توفیقی اولان طقسان سکز سنه سی رجبنک التجی کونندن اعتباراً بعدالتشهر اون بش سنه مدته کورکه قونلسنه و اعلام و ضبط و استنطاق خرجلری اولان درت یوز غروشک تحصیلنه قرار و یریله رک تفهیم قلندیغنی حاوی اولوب تبلیغنامه ده دخی اعلام مذکور حقنده اعتراضه محل کور یله مدیکی بیان ایدلکله محکمه تمیز جزا دآره سی اسباب آتیه مبنی فی ۲۳ رجب سنه ۱۳۰۳ وفی ۱۵ نیسان سنه ۳۰۲ تاریخ و ۱۳۴ نومروسیه اعلام مذکوری نقض ایتمشدر

( فقره حکمییه )

سائر اوراق دعوی دخی قرائت اولندقدن صکره تدقیقات تمیزیه به ایدار اولندقدن هیئت محکمه ک درت ذاتن مرکب اولدیغنی خالد محاکمه بی اجرا ایش اولدیغنی محاکمه ضبطنامه سندن مستبان اولدیغنه و بو ایسه تشکیل محاکم قانونک اوتوز ایکنجی و اصول محاکمات جزایه قانونک اوتوز طقوزنجی و بوز ایش دردنجی ماده لری مفاهیمه مغایر ایدوکنه مبنی اعلام مذکور اصول محاکمات جزایه قانونک اوچ یوز اون دردنجی ماده سی موجبجه نقض ایدلدیکندن اوراق مرقومه ک محکمه مذکوره به اعاده سنه و خرج تعرفه سنک قرقنجی ماده سی موجبجه تمیز اعلامی خرجی اولان ایکویزغروشک اخذینه قرار و یرلدی



بندلرینک هدم و تخریبی فعلنک ایکبوز الی  
ایکنجی مادهیه تطبیقی نقض حکمی موجب  
اولور

( خلاصه اعلام )

قرق کلیسا سنجانی داخلنده کائن و یزه قضاسنه  
تابع تکیه قریه سی اهلایسنندن بولومه خانونک  
دکرمانی بند محللرینی تخریب ایللرندن طولابی  
مظنون علیه اولان قریه مذکوره اهلایسنندن  
قالودی و یوان و دلجونک فملاری مجازات تهریبیه بی  
مستلزم اولوب فصل ورؤیتی وظیفه و صلاحیتلری  
خارجنده اولدیغندن بختله مرجعی محکمه سنه  
کوندرلسنه دائر قضاء مذکور بدایت محکمه سنندن  
و یریلان اعلام حکمی مخالف قانون کورلمکله  
کیفیت قرق کلیسا بدایت محکمه سننده استینافاً بعد  
التدیق اولبایده اعطا قلنان اعلامده درجه اولی  
قرارینک خصوص مدعیانی جنایت درجه سنده  
کوره رک فصل ورؤیتی وظیفه و صلاحیتی  
خارجنده اولدیغنه دائر اولان قسمی موافق  
قانون ایسه ده تعیین مرجع جهتی اصول محاکمات  
جزاییه قانوننک یوزیتش اوچنجی ماده سنک  
ققره اخیره سنک انضمامیه بوز اللنجی ماده سی  
حکمنه مخالف اولدیغنه بناء بالکز بوجتک فسخیله  
مذکور بوز اللنجی ماده قانونیه حکمنجه ایجاب  
حالت اجراسنه قرار و یرلمش ایسه ده مواد  
مذکوره حکمنجه بکیدن ایشی جنجه درجه سنده  
کورمش اولان مدعی عمومی و مستنطقه حواله  
اولنور ایسه اولکی قرارلرنده اصرار ایللری  
ملفوظ اولوب بوصورتله مطلوب حاصل  
اولمیه جنعی کبی معاملات متسلسله دن بشقه

کائن لم یکن حکمنده عداوله جنعی مصرح بولنش  
اولدیغنی حالده محکمه مذکوره مظنون علیه  
مرقومی هم اتهام ایتش و همده محاکمه سنی اجرا  
ایلش اولدیغندن قانون موقت مذکورک اوچبوز  
اون دردیجی ماده سی مقتضاسنجه ذکر اولنان  
مضبوطه و اعلامک فسح و نقضنه و سالف الذکر  
ایکبوزنجی ماده حکمنجه تشکیل ایدیه جک هیئت  
مخصوصه اتهامیه جانبدن احکام قانونیه دائره سنده  
بکیدن رؤیت کیفیت اولتق اوزره اوراق  
مرقومه نک محلنه اعاده سنه و خرج تعرفه سنک  
قرقنجی ماده سی موجبجه نقض اعلامی خرجی  
اولان ایکبوز غروشک اخذینه فی ۱۴ ربیع  
الآخر سنه ۳۰۲ و فی ۱۷ کانون نانی سنه  
۳۰۰ تاریخ و ۲۱۸۵ نومروسیله قرار و یرلدی

( محکمه تمیز جزا دائره سی )

دکرمان بندلرینک هدم و تخریبی قانون جزانک  
ایکبوز قرق طقوزنجی ماده سنده تعریف اولنان  
افعالدن اولوب بوخسه قانون مذکورک ایکبوز  
الی ایکنجی ماده سی احکامنه تطبیق اولنه من  
مذکور ایکبوز الی ایکنجی ماده زور و جبر  
استعمالیه اشخاص مجتمعه طرفندن برینک اموال  
واشیای منقوله سنک نهب و غارات ایدلسنه دائر  
اولوب دکرمان بندلری ایسه اشیای منقوله دن  
اولدیغنی کبی یغما ایدیه بیلور اموال و اشیای دن  
بولدیغنی ظاهر در . بناء علی ذلک بر دکرمان

فائده کور یله ماسنه و بردعوانک تعیین مرجعی  
محکمه تمیزک قرارینه متوقف بولمسنه بناء اول امرده  
تعیین مرجعی حقیقه محکمه تمیزجه برقرار استحصالی  
ادرنه محکمه استینافیه سی مدعی عمومی بلیکنندن  
وارد اولان فی ۱۲ تشرین نانی سنه ۳۰۱  
تاریخ و بیک ایکبوز اوتوز سکز نومرولی تخریراتده  
اشعار اولتمش ایسه ده اوراق مذکوره مألرینه  
نظراً اشخاص مرقومه علیه سنده اقامه اولسان  
دعوای مذکوره دکرمانک بند محللرینی تخریب  
ایتدکدن صکره دکرمانه آتش و یره رک احراق  
ایلدکاری خصوصندن عبارت اولوب تحقیقات  
لازمه سنک اجراسیله و یزه مستنطقی طرفندن  
اعطا اولنان قرارنامه ده مظنون علیهم مرقومونک  
احراق ماده سنندن طولابی منع محاکمه لریته و هدم  
و تخریب جهتی ایسه بالتحقیق قانون جزانک  
ایکبوز قرق طقوزنجی ماده سنه توفیقاً جنجه  
درجه سنده اولوب بوندن طولابی لزوم محاکمه لریته  
قرار و یرلمش و شو حالده قرارنامه مذکورک منع  
محاکمه قسمی قاعده هیئت اتهامیه طرفندن فسح  
ایدلمش اولسی جهتیله کسب قطعیت ایدرک  
احراق ماده سی برطرف ایدلمش و هدم و تخریب  
جهته کلنجه کذلک اعتراض اولنماسی جهتیله  
بوجهتی دخی کسب قطعیت ایلش اولان قرارنامه  
موجبجه و یزه بدایت محکمه سنه حواله اولنه رق  
جریان ایدن محاکمه نتیجه سنده فعل مذکور جنایت  
درجه سنده و جزا قانوننک ایکبوز الی ایکنجی  
ماده سنه تماس ایدر افعالدن کور یله رک فصل

ورؤیتک وظیفه و صلاحیتی خارجنده اولدیغنه  
و برکونه تعیین مرجع ایتیه رک انجق مرجع محکمه سنه  
کوندرینک اوزره اوراق دعوانک مدعی عمومی  
معاولسکنه ارسال و اعاده اولنسنه قرار و یرلمش  
اولسی اوزرینه معاون موعی الیه طرفندن مدت  
نظامیه سی طرفنده یعنی حکم مذکورک تاریخ  
تفهیمندن اوچ کون صکره قرق کلیسا بدایت  
محکمه سنده استیناف دعوی ایدلمش اولدیغنی حالده  
قرق کلیسا محکمه سنده ایشک مستأنف اولان  
ویزه بدایت مدعی عمومی سنک استیناف استدعاسی  
اوزرینه تدقیق و صلاحیت حل و فصلی مقتضاه  
قانوندن و طبیعت مصلحتدن ایکن محکمه مذکوره  
طرفندن و یریلان اعلام استینافینک مطالعه سنندن  
مستبان اولدیغنی اوزره مذکور استیناف  
استدعاسندن و اسباب استینافیه دن اصلا بحث  
اولنوب ایشک بالعکس قرق کلیسا بدایت  
محکمه سی مدعی عمومی معاونی و کیلی اعضاءدن  
توفیق اقدینک فی ۲ ذی الحجه سنه ۳۰۲ تاریخی  
یعنی حکم صدورندن برآی صکره و یردیکی  
استدعا اوزرینه استینافاً باقلدیغنی و اقدی عمومی  
الیهک استیناف استدعاسی ایسه و یزه مدعی  
عمومی سنک اعتراض ایلدیکی مسئله به تعلق  
و مناسبتی اولوب بالعکس و یزه بدایت محکمه سنک  
عدم صلاحیته دائر و یردیکی قرارک موافق  
قانون اولدیغینک بیانیه برابر انجق اعلام مذکورک  
ققره حکمیه سنده هیئت اتهامیه دن برکونه بحث  
اولدیغنی حالده بوکادائر اشراب طریقله بولش

اولدیغی برعباره موهومدن طولانی اعلامک  
 فقره اخیره سنک فسخی طلب اولمسنه و محکمه  
 دخی اصل و بزه مدعی عمو یوسنک استیناف  
 استدعاسنی نظر مطالعهیه المیهرق بتون بتون  
 معائنر اولان موومی الیه توفیق افندیکن استیناف  
 استدعاسنی قبول ایدرک اعلام مذکورک افندی  
 موومی الیه طرفندن اعتراض ایدلماش اولسنه مینی  
 محتاج تصدیق اولیان عدم صلاحیت قرارینی  
 برکونه اسباب موجهه سیله بیان ایتیه رک سطحیاً  
 تصدیق وعباره موهومه مذکورهیه دائر اولان  
 فقره سنی دخی بر موجب ادعا فسخ ایش و شو  
 صورتله استینافاً و بریدیکی فی ۱۲ اغستوس  
 سنه ۳۰۱ تاریخی اعلامی دخی تمیز ایدلماش  
 اولدیغندن لایتغیرحاله کیرمش اولدیغی اکلایش  
 وتفصیلات مبسوطه دن مستبان اولدیغی اوزره  
 مارالذکر هدم وتخریب فعلنک جنحه نوعندن  
 اولدیغنه دائر مستنطق و بریدیکی قرارنامه  
 علیهنه هیئت اتهامیه دن اعتراض اولدیغندن  
 کسب قطعیت ایلدیکی کبی فعل مذکورک جنایت  
 قیلندن اولدیغنه دائر و بزه بدایت محکمه سنک  
 و بریدیکی قرار اوزرینه قرق کلیسا بدایت  
 محکمه سندن استینافاً و تصدیقاً لاحق اولان  
 حکم لایتغیرحاله کیرمش اولدیغندن و کرچه  
 اصول محاکمات جزاییه قانونک یوزیتش یدنجی  
 ماده سنده جنجه لری رؤیته مأمور اولان محاکم  
 دعوا اولان مادهنک مجازات تهریبیه بی مستلزم  
 اولدیغی حالده مظنون علیهک لازم کلان مستنطقه

کوندرلسنه قرار و رسمی لازم کله چکی مسطور  
 ایسه ده بوصورت انجق مستنطقدن یکمیه رک  
 طوغریدن طوغریه مدعی شخصی و یا خودمدعی  
 عمومی طرفسندن و بریله جک استدعا اوزرینه  
 محکمه به کلان دعوالره مخصوص اولوب یوخسه  
 استنطاق دائر سندن یکهرک جنحه نوعندن کورلمک  
 حسیله باقرار نامه محکمه به حواله اولنان  
 دعاوی به شمولی اوله میه جغندن و کرچه مستنطق  
 بدایت محاکمه مربوط ایسه لده بونترک  
 ویرجکی قرارنامه لر بدایت محکمه لرندن فسخ  
 ایدیه میوب بوصلاحیت انجق هیئت اتهامیه لره  
 و برمش اولسنه و برده بوصورتله قطعی درجه سنی  
 احراز ایش اولان قرارنامه لر اوزرینه ایش عائد  
 اولدیغی جنحه محکمه سنه حواله اولندقه جنحه  
 محکمه سنی تقیید ایده میوب محکمه جه دعوانک  
 جنایت نوعندن اولدیغی و یا خود سبباً من  
 الاسباب وظائنی خارجنده کورلیدیکی حالده عدم  
 صلاحیت قرارینی اعظایه هر حالده حر و مأذون  
 اولدیغی درکار ایسه ده بوخصوصک قرارنامه سنک  
 انفساخنی موجب اوله میه جغنه بناء دعاوی  
 جزاییه نک تحقیقات و محاکماتک انقطاع دواچی  
 موجب اولان بمقوله احوالده اختلافات واقعه نک  
 حل و رفعی و بنابرین ماده مجبوت عنها حقننده  
 دخی مستنطق موومی الیهک قرار نامه سیله بدایت  
 محکمه سنک قرارینی تصدیقاً و یریلان استیناف  
 اعلامی باینده تکون ایدن اختلافک رفعیله اوراق  
 تحقیقه ده مندرج احوال و خصوصاته استناد آ

فعل مذکورک نوع ووصف قانونیسنک تعیینی  
 و دعوا ی مذکوره نک ارئه مرجع رؤیتی  
 محکمه تمیزک جله وظائقندن بولندیغی جهتنله  
 اوراق مذکوره شوقطه نظرندن تدقیق ایدلکده  
 مظنون علیههم مرقومونه عز و اسناد ایدیلان  
 هدم وتخریب فعلنک و بزه بدایت مدعی عمو یوسنک  
 اوراق میا سنده بولنان فی ۱۵ تموز سنه  
 ۳۰۱ تاریخی استدعاسنده دخی بیان اولدیغی  
 اوزره خانوخانه و اشیای غیر منقوله دن معدود  
 اولان دکرمان بندلری اوزرینه وقوعه یولوب  
 قانون جزایک ایکبوز قرق طنوزنجی ماده سنده  
 تریف اولنان جنحه افعالندن بولندیغنه و مارالذکر  
 هدم وتخریب فعلنک اشخاص متعدده طرفندن  
 وقوعه کتوراسی بر درجهیه قدر سبب شدت عد  
 اولنه بیلور ایسه ده فعلک ماهیت قانونیه سنی تغیر  
 ایده بیله چکی و بدایت محکمه سنک اسناد ایلدیکی  
 قانون مذکورک ایکبوز الی ایکنجی ماده سی  
 ایسه زور و جبر استعمالیه اشخاص مجتمعه طرفندن  
 برینک اموال و اشیاء منقوله سنی نهب و غارات  
 و خراب ایدنله شمولی اولوب دکرمان بندلری ایسه  
 اشیاء منقوله دن اولدیغی کبی یغما ایدیه بیلور اموال  
 و اشیادن بولندیغی ظاهر بولندیغنه و شو حالده ماده  
 مذکوره محقق عد اولنان تحقیقیانه مستند اولان فعل  
 مذکور حقننده تطبیق اولنه میه جغنی جهتنله فعل  
 مذکورک مارالذکر جزاقانونک ایکبوز قرق طقوزنجی  
 ماده سنه توفیقاً جنحه قیلندن بولمغله فصل و رؤیتی  
 و بزه بدایت محکمه سنک دائره وظیفه و صلاحیتی  
 داخلنده بولندیغنه مینی تعیین مرجع طریقله متفقا  
 قرار و برادی

و رسمی و برده بالاده بیان اولنان اسباب متعدده  
 نظراً قرق کلیسا بدایت محکمه سنک اعلامی  
 وجوه ایله مغائر قانون بولمغله موجب  
 انتباه اولمق اوزره نفعاً للقانون نقضی باش مدعی  
 عمو میلک مأموریت علیه سندن اعطا اولنوب  
 محکمه تمیز جزا دائره سنده موقع مذاکره یه  
 قونیلان فی ۱۲ جاذی الآخر سنه ۳۰۳ و فی  
 ۶ مارت سنه ۳۰۲ تاریخی تبلیغنامه ده طلب  
 اولنسی اوزرینه دائره مذکوره جانبنندن فی  
 ۲۶ رجب سنه ۳۰۳ و فی ۱۹ نیسان سنه  
 ۳۰۲ تاریخ و ۱۷۱ نومر وسیله اسباب آتیه یه مینی  
 اعلام مذکور نفعاً للقانون نقض اولمشدر

( فقره حکمیه )

بوخصوصه دائر اولان سائر اوراق دخی قرآتله  
 ایجات کیفیت مذاکره اولندقه فی الحقیقه مذکور  
 تبلیغنامه ده بیان اولنان احوال اصول محاکمه  
 احکامنه موافقی بولندیغنه بناء اصول محاکمات  
 جزاییه قانونک اون بشلجی ماده سنه توفیقاً اعلام  
 مذکورک بر موجب طلب نفعاً للقانون نقضنه  
 و فعل مدعا به جنحه نوعندن اولمغله فصل و رؤیتی  
 و بزه بدایت محکمه سنک دائره وظیفه و صلاحیتی  
 داخلنده بولندیغنه مینی تعیین مرجع طریقله متفقا  
 قرار و برادی

-----

( محکمه تمیز جزا دائره سی )

اصول محاکمات جزایه قانونک ایکبوزنجی  
ماده سنه مغایر اولهرق محکمه استینافک هیئت  
مجموعه سی طرفندن اتهام مضبطه سنک تنظیم اولتمسی  
ومحکمه جنایتک وظیفه سی متهمک ادعا اولنسان  
فعلی مرتکب اولوب اولدیغنه قرار ویرمکدن  
عبارت اولدیغی حالده اعلام مذکورده ( هیئت  
اتهامیه مضبطه سنک تصدیقنه قرار ویرلدی )  
عباره سنک استعمال ایدلسی نقض حکمی موجب  
اولور

( خلاصه اعلام )

بمن ولایتہ تابع عسیر سنجاعی بدایت محکمه سی  
جزا دائره سنک فی ۷ جاذی الاول سنه ۳۰۱  
وفی ۲۲ شباط سنه ۱۲۹۹ تاریخی و بش  
نومرولی اعلامیله اوراق متفرعه سی باش مدعی  
عمومیلک مأموریت علیه سنندن فی ۹ جاذی  
الاول سنه ۳۰۲ وفی ۱۲ شباط سنه ۳۰۰  
تاریخی و بیک سکز یوز التمش یدی نومرولی  
تبلیغنامه ایله محکمه تمیز جزا دائره سنه اعطا  
اولمغله و اعلام مذکورک مالی طقسان یدی  
سنه سی صفرینک یکریمی التنجی کونی اواء مذکورہ  
تابع قفده قضاسی ملحقاتنده مستخدم عساکر  
ضبطیه اون باشیسی موشلی حیدر بن اسماعیلک  
وقوعولان قتلندن طولایی جنایتله اتهام اولنسان

عساکر ضبطیه نفراتندن یکریمی بش یاشنده  
احمد المصری ابن ابوزیدک قتل مذکورہ  
اشسای منازعه ده فوران غضبیه من غیر تعمد  
جرأت اجرا قلنان محاکمه علیه ده اخبارات  
ودلائل سائرہ ایله ثابت اولدیغندن هیئت اتهامیه  
مضبطه سنک تصدیقنه و قانون جزانک یوز یتش  
دردنجی ماده سنک فقره اولسنه توفیقاً و تاریخ  
توقیفی اولان طقسان یدی سنه سی صفرینک یکریمی  
التنجی کونندن اعتباراً اون بش سنه مدله کورکه  
قونلسنه حکم ایدیلرک تفهیم اولدیغنی حاوی  
بولمغله و مذکور تبلیغنامه ده دخی محکمه جنایتک  
وظیفه سی متهمک ادعا اولنسان فعلی مرتکب اولوب  
اولدیغنه قرار ویرمکدن عبارت اولدیغی حالده  
هیئت اتهامیه مضبطه سنک تصدیقنه قرار  
ویرلسی بولسز و مغایر قانون بولدیغی مثلاً  
اصول محاکمات جزایه قانون موقتک ایکبوزنجی  
ماده سنه مغایر اولهرق محکمه استینافک هیئت  
مجموعه سی طرفندن اتهام مضبطه سی تنظیم قلمش  
اولدیغندن اعلامک نقضیه مضبطه نک فسحنی طلب  
قلمغله محکمه تمیز جزا دائره سی اسباب آتیه یه  
مبنی فی ۱۸ شوال سنه ۳۰۲ وفی ۱۸ تموز  
سنه ۳۰۱ تاریخ و ۶۸ نومروسایله مذکور  
اعلامی نقض ایشدر

( فقره حکمیہ )

تدقیقات تمیزیه به ابتدار اولندقدہ مذکور  
تبلیغنامه ده کوسه ترلیدی اوزره اصول محاکمات


جزایه قانونک ایکبوزنجی ماده سنه مغایر  
اولهرق محکمه مذکورہ ی تشکیل ایدن بش ذات  
طرفندن هیئت اتهامیه مضبطه سی تنظیم اولتمش  
ومحکمه جنایتک وظیفه سی متهمک ادعا اولنسان  
فعلی مرتکب اولوب اولدیغنه قرار ویرمکدن  
عبارت اولدیغی حالده اعلام مذکورده ( هیئت  
اتهامیه مضبطه سنک تصدیقنه قرار ویرلدی )  
عباره سی استعمال ایدلمش اولدیغی اکلاشلدیغندن  
اصول محاکمات جزایه قانونک اوچوز اون  
دردنجی ماده سنه توفیقاً مضبطه و اعلامک فسح  
ونقضنه و قانون دائره سنده یکیدن رؤیت کیفیت  
ایدلک اوزره اوراق مرقومه نک محلنه اعاده سنه  
وخرج تعرفه سنک قرقجی ماده سی موجب  
نقض اعلامی خرجی اولان ایکبوز غروشک  
استیفاسنه قرار ویرلدی

### اعلام

صرافاندن پیکانلی حچادورک یدی قطعه اعلامات  
موجبجه مالیه خزینة جلیله سنه محکوم به دینی  
بولنان مبالغ معلومدک تأمین استیفاسی ایچون  
متوفای موئی الیهک عهده سنده بولنان قوز غنجهده  
سکسان و سکسانا یکی نومرولی ساحلخانه


نصفنک سکز حصه اعتبار بله یدی حصه سی بوندن  
اقدام مزایده یه قونیلهرق بدلنه تصفیة دیون  
تحویلاتی التیق شرطیه بوزاون بیک غروشده  
طالبی عهده سنده تقرر ایش اولدیغندن بوندن  
زیاده یه طالب اولنر وار ایسه یوزده بش ضمیمه  
تاریخ اعلاندن اعتباراً اوتوز برکونه قدر  
درسعادت مرکز اجرا دائره سنه مراجعت  
ایلیری اعلان اولنور

فی ۵ حزیران سنه ۳۰۲



اوخانس اونچیان افندیکن لامبرینی قادین ذمتنده  
با اعلام الاجعی اولان مبالغ معلومه نک تأمین  
استیفاسی ضمنده داینک عهده سنه وفاء فراغ  
ایدلمش اولان قاضی قریه سنده عثمان اغاخچه سنده  
سکودلی چشمه جاده سنده مکرر یوز یکریمی ایکی  
نومرو ایله مرقم ایکی باب خانه و تختنده کائن ایکی  
باب دکان عندالمزایده لیرا یوز غروش حسابیه  
اللی ایکی بیک غروشده طالبی عهده سنده تقرر  
ایش اولمغله تاریخ اعلاندن اعتباراً اوتوز برکون  
صکره قرار قطعسی ویریله چکنندن یوزده بش  
ضمیمه زیاده یه طالب اولنلرک مدت مذکورہ طرفنده  
اسکدار اجرا دائره سنه مراجعت ایلیری اعلان  
اولنور

فی ۹ حزیران سنه ۳۰۲




الاجفنگ استيفاسى ضمننده مديون مرقومك قريه  
 مزبوره حدودنده املاك همايون موقمنده سكر  
 نومرولى عتيق اوتوز و جديد اون بردونم يتش  
 طقوز مربع ارشون بئجه سنك ثلث حصه سى  
 بيك درتيوز غروشه ينه دابن اوزرنده تقرر  
 ايتش اولديغندن اشبو تار يخذن اعتباراً اوتوز  
 بركون مرور ينه دكين بوزده بش ضمه طالب اولنرك  
 بيوك چكجه اجرا مأورلغنه مراجعت ايللرى  
 اعلان اولور

في ۱۷ حزيران سنه ۳۰۲




مصطفى بكك ۲۰۲/۹۹ نومرولى اعلام موجدجه  
 ارضروملى اوغلى سر كزه دينى اولان مبالغ  
 معاومده نك تسويه سى ضمننده مديون موسى  
 اليهك اقسراى جوارنده قوغه جى دده محله سنده  
 تكيه زقاغنده واقع ۶۵ نومرولى محجوز اولان  
 برباب خانه سنك تاريخ اعلانن اعتباراً اون بش  
 كون صكره بالمزايدة فروخته تثبيت اولنه جى  
 بك اوغلى بدايت محكمه سى اجرا مأوريتى  
 جانبندن اعلان اولور

في ۱۷ حزيران سنه ۳۰۲



اوسترىا و مجارستان دولتى تبعه سندن جورجى  
 اميرالينك دوات مشار اليها قونسلو سخانه سى  
 محكمه سى اعلامى موجدجه ينه دولت مشار اليها  
 تبعه سندن مادام جولياشنديلر ذمتنده الاجغى  
 اولان مبالغ معلومه نك تسويه سى ضمننده مادام  
 موسى اليهانك تحت تصرفنده اولوب محجوز بولنان  
 مقرى قريه سنده فرنك كاپيساسى زقاغنده كاش  
 ايكي بيك درتيوز سكرسان ايكي زراع عتيق و بيك  
 درتيوز يكرمى اتى زراع والتش بدي كراه و سكر  
 يوز قرق سكر پارمق جديد عرصه و بئجه بي  
 مشتمل برباب كار كير خانه نك اجرا قلنان التمش  
 بركون مزايده سنده ليراي عثمانى يوز غروش  
 اعتبار يله يوز اون ايكي بيك غروش بدل  
 مقرره سيله طالبى عهده سنده تقرر ايتكله موقت  
 قرارداد سى اجرا قلند يغندن تاريخ اعلانن اوتوز  
 بركون نهايتنده احاله قطعيه سى اجرا نلده جغندن  
 بومدت ظرفنده بوزده بش ضميله پي قبول ايديله جكى  
 ومدت مذكورك انقضا سندن صكره اصلا پي قبول  
 ايدليه جكى ودهاز ياده معلومات المقتيانلرك  
 مقرى قريه سنده واقع محكمه بدايد اجرا مأوريتنه  
 مراجعت ايللرى اعلان اولور

في ۱۱ حزيران سنه ۳۰۲



بيوك چكجه مقيم ذخيره جى ارستيدى ولد  
 نيقولنه نك قليقراطيه لى نعلبند اوغلى يانقو ذمتنده كى